

8. MAWHMAISAKNA LEH A SIANGTHO PHAWKTHEIHNA

A. MAWH MAISAKNA

a) Laisiangtho bulphuhte: 1Jn. 1:5-9; Heb. 9:22; Eph. 4:32;
Matt. 6:14-15; Lk. 6:37-38; Mark 11:25.

b) Mawhmaisakna i cih bang hiam?

"Pasian' khuavak ahi hi; ama sungah khuamial a om peuhmah kei hi, cih thupuak ahi hi. Eite amah tawh i kipawl hi, ci napi in khuamial sungah i gamtat lai leh zuauphuak i suak a, thutak a nungta lo i hi hi. Ahih hangin khuavak sungah i gamtat leh amah khuavak ahi mah bang in eite khat leh khat i kipawl a, ama Tapa Zeisu sisan in mawhna khempeuh pan in hong siansuah hi. Mawhna kanei kei hi, i kicihleh ei le ei a kikhem i hi a, eite sungah thutak a om kei hi.

Eite in i mawhnate i pulak leh i mawhnate hong maisak in i thumanlohna khempeuh hong siangsak dingin amah muanhuai in a thu tang hi (1Jn. 1:5-9).

Pasiang pen khuavak hi a, ama khuavak sungah i kalsuan leh amah leh thu um dangte thawhkikhawlkhawm in i kalsuan khawm hi. Pasion khuavak sung pan pai khiat leh khuamial sungah i kalsuan hi. Khuamial sunga lampai na pen lauhuai hi. Bang hang hiam cihleh i vantung Pa leh a dang thu um mite tawh i kikhoh khop na kisia in koi ah pai ding cih kithei lo hi.

A nuai a gentehna in Khasiangtho in hong paipih na Zeisu khuavak sungah Christian dangte tawh koici nuntak ding cih hong lak hi. Tua khuavak na huan sung pua lam penSatan gam khuamial om hi. Satan lunggullhna pen khuavak huam sung pan eite hong kaikhia in khuamial sungah tunsak ding ahi hi. Satan in gimna/tawlana, launa, lungtang daihna, utna langpanna, geelkhialhnate, mawhmaisaklohna, natlehsatna, cihte a kipan ngian tampi zangin khuamial sungah i pai nading hong ze-et in hanciam hi.



A mial pen mun khempeuh pen Pasion khuavak pua lam hi ziau hi. Tua man mah in khuavak sung a om na pan a kileh kik Christiane pen Khazih khuavak a theikha ngeinai lo thu um lote nang awm sang in a mialzaw sungah a om tawh a kibat hun uh om hi.

Ahi zong in Pa tawh kizopna kisia pen eite ading Patawh sitni (advocate). ahi Zeisu Khazih tungtawn in kingah kik thei hi (1Jn. 2:12). Eite sitni, eite thukham sia, pa in mawhmaisakna i nget teh i thuneih pen hong dawn hi. Pasion omna ah pai in i thu hong thumsak in, Pa Pasion thawhkikhohkhopna i neih kik theih nading hong ngah kik sak ding hi. Eite in bel i mawhnate i kam tawh pulak leh tua mawhnate pan i kihei na tawh i mawhnate kilakhia thei hi. Tua bang a i hih leh Pasion hong maisakna pen kicing lua kisa in, I mawh ngeinate nangawn mangngilh hi.

"A puklo ding a note hong kem thei, khialhna om lo a, lungnopna lianpi tawh ama minthanna mai a hong puakthei pa Eite honpa Pasion khat bek tungah i Topa Zeisu Khazih tungtawn in minthanna, thupina, vangliatna le thuneihna khanghun khempeuh ma, tu laitak le a tawntung in omta hen! Amen" (Jude 24:25).

Eite mawhna tang in Khazih in si a, (1Cor. 15:3). Amah mahmah sungah a vekin la hi. Ahizong in hih nasepna ah eite in zong Pasion tungah kammalte tawh i khahkhiat na tawh i kihel ding kisam hi. i.e., Pulakna hi.

c) Zeisu Sisan

Sisan kibua lo in mawhmaisakna om thei lo hi (Heb. 9:22). Pasion thukham in na mawhna thaman pen sihna cih a kalh mah bang in (Ezek. 18:4; Rom. 6:23). aman bek mawhneilo Zeisu in na mawhna pan hong gup na ding leh Pasion kiang hong tutkik nading in a thuak ding kisam hi (1Pet. 3:18). Na mawhna pan hong sawp siang pen Zeisu sisan tungtawn bek pan hi. Eite pen Khazih sisan in hong diksak hi. Hih pen Pasion lam pan a tat khiat na na sep hi. Eite pen dikna lamsang ah cihna ding thei vetlo in hong kipulak a, ahizong in Zeisu hong pai in singlam teh tungah i leiba hong piaksak hi. Ama dikna khempeuh pen eite adingin kipiakhin hi. Singlamteh pen Pasion itna sepkiatna mun thupi pen hi (Rom. 5:8).

"Thukhenzum tutna -a mihing pen mawh hi cih kimu hi. Thu khenpa pen lawmlui khat ahieh hang in mawhnei pa pen zangkhai ngaihsut lo hi. A haksa thei pen in liau sak a, tua khit teh a kicing ding zah sum ading cheque pia hi. Pasion pen a siangtho ahiehman in mawhna pen sihna dingin thukhen hi. Singlamteh ah, thu khen pa Pasion pen a tutna pan kumkhia suk in, Zeisu sisan sungah na leiba pia khi hi."

(Aurthur Walhs; *Pasion zia a nuntakna*).

d) Banghang Maisak?

Itna in maisak tawntung hi. Zeisu in singlamteh tung na ngawn ah hih thu lak khin hi (Lk. 23:34). Amaisak Pasion tawh lo in koi ah om thei ding i hiam? (Heb. 9:27-28). Maisakna lungsim pen a dang mipa in dah ing, kisik ing a cih ma nangawn in na lungtang sunga na neih pelmawh ding ahi hi. Na sanggampa na maisak keileh vantung a na Pa in nang hong maisak ngei lo ding ci in Zeisu in hilh hi (Matt. 6:5:15).

"Note migi in khat le khat na kilainat un la, Pasion in Khazih sunga note mawhna hong maisak bang tektek in, na mawh na uh na kimaisak ciat un." (Epesians 4:32).

Midang khat pen a khial theih pen aih keh a khial pen mun ah a om ciang nangawn in amaisak pa hi tawntung in. Kuakua khial in midangte in bang zah bangzah vei nang tungah hong khial zong in, a kisiasa kizopna a puahpha kik dingin Pasion mai-ah mawh puak na nei hi teh (Lk. 17:3,4).

"Na maisak un, no zong hong kimaisak ding hi." (Lk. 6:37).

Eite in i maisak keileh, Pasion in hong maisak thei lo hi. Mawhmaisakna bek in na lungtang sunga upna lam pi siangsak ding hi. Maisakna bek in Pasion mai ah thungetna tawh i nehtheih ma in a kisam pen sep kholh ding ahi hi (Mark 11:25). Midangte tungpan a lehlam genna leh a thuakhak gamtatnate i luut sak leh na nuntakna sungah satan ading lampi a hong na hi hi. Ei bang zah in dik, amau bang zah in khial cihte phamawh lo in, a kihel kha mi khempeuh maisakna tawh i khahkhia thei hi. Tua ciangin hih in hong puah kik ding leh hong damsak dingin Pasion phal hi. Khasiatna pen satan vanzat khat hi a, tua aih man in zungkhasak kei in. Khasaitna pen ngaihsutna khat peuh, kammal khat peuh aihkeh sepna khat peuh hi a, mawh maisakna, na sakna pan a gel khiatna hilo hi.

B. A SIANGTHO PHAWK THEIHNA

a) Laisiangtho bulphuhte:

Rom. 2:15; Heb. 9:14; 10:22;
1Tim. 1:19; 1:5; Acts 24:16

b) Phawktheihna bang hi-a, koici nasep hiam?

I Phawk theihna pen man hi ci a i ngaihsutte sepna leh man lo hi ci a i ngaihsutte pelhna hilo in seppah lianlianna hi. Hih pen in nang pen khial hi ci a hong ngaihsut leh hong mawhsak, man hi ci a hong ngaihsut leh hong huu, nang ading teci hong pang sunglam awging khat hi (Rom. 2:15). Hih Seppah theih na na thupi sim leh a hoih leh a kitel phawk theihna nei pah ding hi teh (1Tim. 1:5). Na thusim keileh kisungsiat na phawk theihna a nei hi teh (Heb. 10:22). Thu dang khat in gen leng a khial khat a om teh nang hong phawng ding a, Pasion in a zat phawna dak, long khat ahi hi. Mimal khat ciat in phawk theihna nei a, a man leh a khial a kiciapteh ciangin, ngaihsutna kibang lo phawk theihna kibang lo hong piangkhaa thei hi. Khatveivei a kisap hun in phawk theihna dak hong nging lo thei a, khatveivei a man lo phawn na on thei hi.

I Phawk theihna in khin khai thei lo a, hi pen man hi cih a theih ciang bek in hong semkhia hi. Hi pen kilungkimsak thei, kila mang thei, aih keh kinial thei a, ahizong in i tua cihleh i nuntakna sungah kikalh na a bawl lel kisuak hi. Tua kikalh na pen tawmvei sung kiphumcip thei napi, ahizong in hong kilangkhaa kik lel ding a, tamvei pi cinatna aihkeh khasiatna sungah hong suakkhaa ding hi. I phawk theihna in Pasion thu i man theih nading in hong huh hi. Hun mawkmawkte ah, Pasion hong deih bang i sep hun leh i sep loh hunte ah hih phawk theihna in a tawntung a hong lakkhaa dingin na sem hi. Mihing in i puukna dinmun sungah a kicing Pasion deihna kilangkhasak tawntung theilo phawk theihna kinei hi.

Mihingte pen i nau pan lai a lampi tuamtumte tungtawn a kikhansuah to i hihman in i gol ciangin i phawk theihnate kipan tah hi. Hih phawk theihna na sep pen Pasion deihna taktak tawh kituak thei, kituak lo thei hi. I lungsim hong kivakna man maw man lo maw cih tungtawn in i phawk theih nate in koi ci nasep cih khensat ding hi. I phawk theihna pen Computer khat bang hi. Thuman i guan leh dawnna man bek hong piakhia ding hi. Khensatna khat i neih sim in lamlak khat bang leh compass bang a hong gamtat theih nading in i phawk theihna i bawl phat ding Pasion in hong deih hi. Hih in i thumanlohna ciangtan in Pasion deihte i sepnading hong huh ding hi.

Ama kammal tungtawn leh i lungsimte hong bawlthak ding i phalna tawh i phawk theihnate Pasion in hong khel sak ding kizam hi. Hi pen in hun tampi la hi.

c) Pasion gangite:

A thanem upna leh phawktheihna a nei mite in a sung a nuntak pih ding zuih ding thute kizam a, a man lo nate a sep nawn loh nading ahi hi. Tua pen Pasion a ahi lian lo gangite a hepkiat ding cihna hi ahizong in amau ading phattuumna a plate kikham hi. Tua bang gangite sungah a om theih nading un amau phawktheihnate kipantah hi. Paul in tua bang gangite kantan loh ding, a diakdiak in midangte holh thawh na hang tawh kantan loh ding hong gen hi. Banghanghiam cihleh tua bang a gamtat na pen mawh na hi ding hi (Rom. 14:23).

Pasian kammal tunga kinga phawk theina khauh a nei mite in amau nuntak na ah khamna tampi kisam lo uh hi. Tua pen Pasian gamgite tawh kituak phawk theihna a nei man uh hi. Hih pen thumanna tawh Pasian rawh kalsuan khop theih nading a lamdang huhna hi. Ataktak in upna tawh i nuntak nading in hih in hong hi thei sak hi (Rom. 14:13). Na phawktheihna pen Pasian phawna dak (bell). a hihna phawk in. Hih dak hong gin leh a man lo na khat Pasian in hong kawkkhia hiam cih muh ding kisam hi. Tua khit ciangin na nuntakna ah Pasian hong cin'na hong suak hi.

d) I Kikhel ciang bang piang hiam?

Na kikhel nading a Khasiangtho in hong makaih teh mawhnei na hihlam na phawk theih nading in na phawk theihna hong zangh hi. Mawhna, thumanna leh thu khennate tawh kisai in a khial leitung a zo (thuzawh ngiat). dingin ama nasep hi (Jn. 16:8). Khazih kiang hong tunpih pen ama thu zawhna na sep hi.

Nidang a na theih khak ngeiloh, mawhna phawk theihna thak hong tun na phawk theihna hong tak lang pen na nuntak na sungah hong dim lungdam na thuman ahi hi. I nuntakna sungah Pasian thuman i tam lut sak semsem leh i phawk theihnate in Pasian lampite hong theisak semsem hi. A taktak in eite in mawhnei i hih zawkna phawk zaw cihna hilo a, Pasian zia a i kalsuan na ah lam tampi ah suah takna nei zaw ding hihang (ICor. 8:7-8). Pasian deihna theihna tawh i kidim ding kisam hi (Col. 1:9).

e) A Siangtho Phawktheina a thupi hiam?

I gupkhiatna pen thukhenna pan suahtaksak ding ahi hi (Rom. 8:1). Ahizong in na phawk theihna a siangtho keileh thukhenna leh kisungsiatna nuai ah a tawntung a om na hi hi. Hih in hi teng piangsak hi.

(i) Pasian tawh na kizopna

A siangtho Pasian mai-ah siangtho lo a i kingaihsut bang in mawhna in Pasian thawhkikhoh khopna susia hi. Eite in Pasian en theilo in hopih theilo hihang. Hih in i nuntakna ah Pasian itna bittak a ngah na din gpan hong khawl sak hi. I phawktheihna in hong buaisak leh a kilawm lo in kingaihsun hang a sukmai ding a kisam mawhna huang sungah om hihang. Tua mawhna sumai in phawktheihna siangtho khatvei i ngahkik nak leh Pasian mai ah hangsan tak in pai thei a, kik in, eite thu hong khen ding bang mah om lo cih thei in leh, i nuntakna sungah pasian itna ngah thei ding hihang.

(ii) Na upna

A thahat upna leh a kisuang phawktheihnate tonkhawm thei lo hi (Rom. 14:23).

(iii) Na thunget nuntakna

Na phawk theihna pen mawhna huam sungah a om leh, tua na phawk theihna a siankik nading in tua phawktheihna a mankik dingin Pasian in sem ding hi.

(iv) Pasian kammal na lunggulhna

A kisuang phawktheihna in, na thu duhna, a diakdiak in Pasian thu na duhna leh ama kammal mahmah duhna hong sutkhia hi.

(v) Na Teci panna

Nang pen kineih kheempa na hih nading satan in hong hanciam ding a, a kisuang phawktheihna na nei leh na dawn kik nading nei lo ding hi teh.

f) **Mawhna pan a suakta, a siangtho phawktheihna koici kepding**

I phawktheihna pen siangtho thei in kisuanna pan suakta thei hi. Khazih sisan pen i mawhna khempeuh sawpsiang nading kicing in, i phawk theihna lungkimsak leh a thak suahsak thei hi. Khazih sawpsiang na nasep ei mahmah in i ngah theih nading in kal li om hi:-

(i) **Mawhna pulak pahlianna**

Mawhna na theih hun lian in sem in (1Jn. 1:9). I vantung Pa kiangah a siangtho lungtang leh a khamnang lungsim tawhi paitheih loh nading in mawhnate in i phawk theihna tuamcip hi. Zeisu in hong hilh "Kote mawhna hong maisak in", cih thungetna i ngetna tawh, Pasion tawh i kinaina thei hi (Matt. 6:12).

(ii) **Sawpsiangna kamciam muang in**

Pasion pen i mawhna hong maisak dingin thuman in dik hi (1Jn. 1:9). I Phawk theihna khempeuh pen Zeisu sisan in sawpsiang khi hi (Heb. 9:14). Hih in kisungsiatna/mawhna pan hong suaktasak kilkel ding hi. "kisuanna" khat peuh a om lai pen gilo a hih man in holh in paikhia thei hihang.

(iii) **Na Phawk theihna mang in**

Na lawhsapna na pulak ding bek hilo in, lawhsapna na khawlsan ding kisam hi (James 1:22). Hih pen Pasion lampi hi cih na theih teh na phawktheihna in hong uk bang in na sep ding kisam hi.

(iv) **Khuavak sungah kalsaun suak in (1Jn. 1:7).**

Hihpen Pasion in ama deihna hong theisak teh Pasion lam ah kihong in, Khasiangtho tungah kipia in, thakhat thu a mang ding a baih sa a om ding cihna hi. Paul in 'Pasion leh mite mai ah ka phawk theihna lungsim a siangtho nading in ka hanciam tawntung hi.' ci hi (Acts 24:16). Eite in zong tua bangmah i sep ding kisam hi.

g) **A khauh Phawktheihna**

Mikhat in ama phawktheihna thunop nuam hetlo a a om leh, tua pen kikhauhsak in thungenna khawl sak hi. Hih pen Paul in a gen 'siksa tawh kiciam teh; lungsim a cihte hi (1Tim. 4:2). Hih pen i ut peuh sep nopna ahihman in a lauhuai mun hi a, hih dinmun ah i om suak leh a tawntung in kimang thang ding hi. Hih pen a na thuak theih loh na tawh kibanghi. Natna hong hilh khol a, hih hilh kholhna om keileh na sia tak in i thuak ding hi.

Na phawktheihna pen Pasion in amah tawh nuam tak a na kizop theih nading a hong huh ding a hong piak a kizang thei pen pen van zat khat hi.

h) **Dotnate kikupnate**

1. Na mawhna hong kimaisa khin in, a siangtho phawktheihna nei a, na lam lamna theih ding a thupi hiam?
2. Pasion in hong maisak ding na khat peuh a om hiam?
3. I mawhna pulak in hong maisak nading ngen leng Pasion in tua mawhna a mangngilh takpi hiam?
4. I sanggam khat hong khialh leh bang cih ding i hiam? (Lk. 17:3-4).
5. Khialhna (mawhna). sung a puuksa mikhat kua in puah pha kik in bang lungsim puak (lungsim). tawh a mawh sanggam khat kiphongkik ding hiam? (Gal. 6:1).
6. Khial cihtak khial uh hi napi midangte maisak ding Pasion in banghang in hong kal

hiam?

7. Mawhmaisakna ngahlote min gual in la, Pasion in a ngaihsut nading ngen in. Tu in kimaisak tuah dingin khensat in, mawhmaisak lungsim, hong piak nading na lungtang pan heh na leh khasiatnate hong lak khiatsak nading leh tua mun ah ama itna hong dip nading Pasion tungah ngen in.
8. I phawktheihna thu i manloh teh banghang in i nuntakna sungah lungkhauhna kilam hiam?
9. Banghang in leitung a mi tampite in amau lungkim bang in na sem tawh kibang in kisuanna lungsim nei lo uh hiam?
10. A siangtho phawktheihna na neih lam kician sak in, nang hong buaisak khat a om ahieh khol keileh, a om lo pi khat zong in a lung ngai ngai peuh hi kei in. Na khempeuh a man hi cih a kitelcian teci panna na neih keileh, Psa. 139:23-24 a David thungetna ngen in la, Pasion in hong dawn kik leh hih lai hihna sung a kal lite suan in.

i) Tomlakna leh Zatpahna

1. I mawhnate ama tungah i pulak teh manpia lo a a kingah thei dingin Pasion in a mawh maisakna bawl hi.
2. Zeisu sisan in mawhmaisakna hi theisak in, Pasion muhna ah a siangtho leh a thuman in hong bawl thei hi.
3. Kisikkikna pen lungsim leh masuatna khelna hi. I gamtatnate tawh i kisikkikna i lah khiat ding Laisiangtho in hong hih hi (Matt. 3:8; Acts 26:20). Bangzah in khial tale uh a mawhna uh maisak in cih pen Zeisu Nungzui i hih na ah i kisikkikna khat hi.
4. Pasion in eite tampi in hong naisak a, mi dangte zong tua bang mah a i bawl ding hong lam en hi (Matt. 18:21-35; Lk. 6:37-38).
5. I phawktheihna pen Pasion phawna dak hi a, ama lampi ah hong tut theih nading in mantak a hong geelsak nading Pasion i phal ding kisam hi.
6. Pasion lampi ah i kalsuan nading hong kem hong cing bangin, i phawktheihna in gamgi bawl hi.
7. I phawk theihna thu donloh pen i natna khat thudon lohna zah in lauhuai hi. Tua in natna / liamna lianpi hong tun hamtang hi.
8. Pasion kiang pan mawhmaisakna i lungmuanna in i phawktheihna hong siangsak in, kisuanna pan hong suaktasak hi.